



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU STRANKE UDRUŽENIH NEZAVISNIH DEMOKRATA BOSNE I HERCEGOVINE

Broj: 03-07-6-302/16
Sarajevo, 22. februar 2017. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Stranke udruženih nezavisnih demokrata Bosne i Hercegovine za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2015. godinu, utvrđeno je da je Stranka udruženih nezavisnih demokrata Bosne i Hercegovine prekršila odredbe člana 8. stav (1), člana 11. i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Stranke udruženih nezavisnih demokrata Bosne i Hercegovine za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka udruženih nezavisnih demokrata Bosne i Hercegovine finansirala se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	150,00	2,40
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	861,60	13,80
7.	Prihodi iz budžeta (3-f)	5.233,10	83,80
8.	Prihodi od propagande (3-g)	0,00	0,00
9.	Ostali prihodi	0,00	0,00
I	Ukupni prihodi (1-9)	6.244,70	100,00
II	Kreditno zaduženje kod banaka	0,00	0,00
	Izvori finansiranja (I+II)	6.244,70	100,00

U godišnjem finansijskom izvještaju stranka je iskazala rashode u ukupnom iznosu od 1.413,99 KM.

2. PREDSTAVLJANJE POLITIČKE STRANKE

Naziv političke stranke je Stranka udruženih nezavisnih demokrata Bosne i Hercegovine. Skraćeni naziv stranke je SUND BIH.

Stranka je registrovana kod Općinskog suda u Tuzli, Rješenjem broj: 032-0-Reg-08-000152 od 04.03.2008. godine.

Sjedište političke stranke je u Živinicama, ulica Zlatnih ljiljana broj 4.

Lice ovlašteno za zastupanje stranke je Hamdija Numanović, predsjednik stranke.

Lice ovlašteno za podnošenje finansijskih izvještaja za 2015. godinu je Zijad Numanović.

U godišnjem finansijskom izvještaju za 2015. godinu Stranka udruženih nezavisnih demokrata Bosne i Hercegovine je u okviru organizacione strukture navela:

- SUND BiH, sa sjedištem upisanim u sudski registar i
- Povjerenika OO SUND BiH Živinice Delić Saliha.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke udruženih nezavisnih demokrata Bosne i Hercegovine za 2015. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Stranke udruženih nezavisnih demokrata Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na nenovčane donacije i prihode iz budžeta.

4. PRETHODNE KONTROLE I REVIZIJE

Služba za reviziju je izvršila pregled, kontrolu i reviziju finansijskih izvještaja Stranke udruženih nezavisnih demokrata Bosne i Hercegovine u periodu od 2008. do 2014. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Nakon izvršenog pregleda finansijskog izvještaja za 2014. godinu, izdat je izvještaj o pregledu sa mišljenjem revizora, nalazima i preporukama stranci da vodi adekvatne evidencije o svojim rashodima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Stranka udruženih nezavisnih demokrata Bosne i Hercegovine nije ispoštovala date preporuke.

5. NALAZI I PREPORUKE

5.1. NALAZI

a) **Stranka udruženih nezavisnih demokrata Bosne i Hercegovine je otpisom obaveza prema javnim ustanovama ostvarila priloge, koji su zabranjeni članom 8. stav (1) Zakona o finansiranju političkih stranaka.**

Politička stranka je u poslovnim knjigama i finansijskom izvještaju iskazala nenovčane donacije u iznosu od 861,60 KM, koje je ostvarila na način što su joj otpisane obaveze prema Javnoj ustanovi BKC Živinice u iznosu od 300,00 KM i Javnoj ustanovi RTV Živinice u iznosu od 561,60 KM.

b) **Stranka je prekršila odredbe člana 11. i člana 12. stav (3) Zakona o finansiranju političkih stranaka¹.**

Uvidom u finansijski izvještaj, poslovne knjige i izvode sa transakcijskog računa utvrđeno je da politička stranka, suprotno odredbi člana 11. Zakona², u poslovnim knjigama nije evidentirala promet gotovine putem blagajne, u iznosu od 3.970,00 KM, kako to nalažu računovodstveni

¹ Zakon o finansiranju političkih stranaka („Službeni glasnik BiH“, broj 95/12)

² U skladu sa odredbom člana 11. Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima.

propisi, niti je isti, u skladu sa članom 12. stav (3) Zakona³, prijavila u finansijskom izvještaju koji je podnijela Centralnoj izbornoj komisiji BiH.

Stranka udruženih nezavisnih demokrata Bosne i Hercegovine je sa transakcijskog računa kod UniCredit banke⁴ podigla gotovinu na ime troškova goriva u iznosu od 3.970,00 KM, a pri tome nije evidentirala njen ulaz u blagajnu stranke.

Kako nije iskazala ulaz sredstava u blagajnu, politička stranka nije iskazala ni njen izlaz, iako je sredstva isplatila predsjedniku stranke kao povrat pozajmice, koja je u iznosu od 3.970,00 KM uknjižena u poslovne knjige stranke na dan 31.12.2014. godine.

Time, što finansijski izvještaj nije podnijela u formi koju je propisala Centralna izborna komisija BiH, odnosno nije iskazala promet gotovine putem blagajne, politička stranka je prekršila odredbe člana 12. Pravilnika o godišnjim finansijskim izvještajima političkih stranaka.

5.2. PREPORUKE

Preporučuje se Stranci udruženih nezavisnih demokrata Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da se ne finansira iz zabranjenih izvora,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da blagajničko poslovanje uredi u skladu sa računovodstvenim propisima.*

Komentar

Stranka udruženih nezavisnih demokrata Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2015. godinu.

Pomoćnik revizora

Mr.sc. Goran Cicović

Šef Službe za reviziju, revizor

Mr. sc. Hasida Gušić

³ U skladu sa odredbom iz člana 12. stav (3) Zakon o finansiranju političkih stranaka, politička stranka je bila obavezna podnijeti finansijski izvještaj u formi koju je propisala Centralna izborna komisija BiH Pravilnikom o godišnjim finansijskim izvještajima političkih stranaka.

⁴ Izvod Unicredit banke broj 11 od 13.03.2015. godine